



Broj: 22-06-14-284/18  
Sarajevo, 09.02.2018. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05), a u vezi sa članovima 17., 87. i 88. Zakona o javnim nabavkama BiH ("Službeni glasnik BiH", broj: 39/14), Direktor Kantonalne uprave civilne zaštite Kantona Sarajevo **d o n o s i**

### **ODLUKU**

#### **o pokretanju postupka javne nabavke putem Konkurentskog zahtjeva**

#### **I**

Ovom odlukom se pokreće postupak javne nabavke putem Konkurentskog zahtjeva za dostavu ponude, i to za nabavku usluge - kolektivno osiguranje zaposlenih.  
Oznaka i naziv iz JRJN: 66510000-8 – usluge osiguranja.

#### **II**

Vrijednost javne nabavke iz tačke I ove odluke, procjenjuje se u iznosu do 12.000,00 KM (slovima: dvanaest hiljada KM) bez PDV-a.

#### **III**

Sredstva za nabavku iz tačke I ove odluke se osiguravaju iz planiranih budžetskih sredstava Kantonalne uprave civilne zaštite Kantona Sarajevo za 2018. godinu sa ekonomskog koda 613800 – Izdaci osiguranja, bankarskih usluga i usluga platnog prometa.

#### **IV**

Nakon prijema ponuda ponuđača, Kantonalna uprava civilne zaštite Kantona Sarajevo, će uzimajući u obzir princip najefikasnijeg korištenja javnih sredstava, prihvatiti prijedlog ukupne najniže cijene.

#### **V**

Ova odluka stupa na snagu danom donošenja.

### **O b r a z l o ž e n j e**

Prema članu 17. Zakona o javnim nabavkama ("Službeni glasnik BiH", broj: 39/14), ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju postupka javne nabavke.



Plan nabavki u Kantonalnoj upravi civilne zaštite Kantona Sarajevo (u daljem tekstu: Uprava) za 2018. godinu još nije donesen, a Uprava, je prinuđena pokrenuti postupak nabavke usluge kolektivnog osiguranja uposlenika, obzirom da raniji ugovor za istu nabavku ističe u martu mjesecu ove godine. Također, profesionalna vatrogasna jedinica djeluje u okviru Uprave, kao glavna operativna snaga u gašenju požara i spašavanju ljudi i materijalnih dobara ugroženih požarom, te zbog posebnih uslova rada, težine i prirode posla i odgovornosti za obavljanje poslova vatrogastva radi se specifičnoj vrsti nabavke, a uzimajući i u obzir mogućnosti korištenja pravnih lijekova od strane potencijalnih ponuđača, odlučeno je kao u dispozitivu ove Odluke.

**Dostavljeno:**

- Sektoru za ekonomske poslove KUCZ KS
- Ministarstvu finansija Kantona Sarajevo
- a/a

